

Riba e di dos dia di su biahe pa Aruba e mester a mara na Inglatera

Boto di Wubbo Ockels a confronta problema cu motor

NEWHAVEN – Conocido astronaut Wubbo Ockels mester a para su biahe pa Aruba temporalmente debi cu e la confronta problema riba laman. Tabata e di dos dia riba laman cu e bapor Ecolution a confronta problema cu motor. E tempo tabata diferente di loke cu nan a pronostica, Ockels a bisa. Como tal e mester a wordo getouwd pa Newhaven na e costa di Inglatera.

Na luga di un tempo suave di biento, e la confronta biento fuerte. Fuera di esey, awa a dreña e motornan diesel, na ambos banda di e bapor. Como tal Ockels a dicidi di paga e motornan y haya asistencia di Guarda Costa Ingles.

Ockels no ta premira problema pa resto di e biahe. E motornan lo wordo limpia y lo mira cuanto awa lo por a dreña. “Mañan nos ta check tur cos y lo tuma nos tempo pa continua” Ockels a bisa. Fuera di esey, e bapor tabata bon. “Ecolution tabata nabega mas lihe cu a spera” Ockels a bisa, prome cu e la haya e problema.

Tabata dialuna cu Ockels a sali cu su barco Evolution, y tabata ser spera na Aruba aki tres pa cuater siman. Despues di hopi anticipacion, e conocido astronauta hulandes Wubbo Ockels y su barco di bela di cero emision Ecolution a sali di e waf di Scheveningen pa haci e biahe grandi riba oceano pa bin Aruba. E biahe mester a tuma luga for di diabierna ultimo, pero pa motibo di mal tempo a cambia e fecha pa diadomingo pero finalmente ayera e la sali

rumbo pa Aruba. E ultimo simannan e team di Ockels a traha duro pa prepara e barco pa e biahe aki. Prome cu nan haci e biahe pa

Aruba nan ta bay cu e barco Ecolution riba Noordzee pa haci algun test cu tabata falta ainda y pa wak tambe si e tripulacion ta bastante



prepara pa traha cu otro. Pa e barco di cero emision Ecolution esaki ta su prome biahe Transatlantico cu ta pasa via Islanan Canarias y Antigua pa caba medio december den waf di Oranjestad. □

AUTO RIJSCHOOL BENNET

Mas cu
32 Les
di Teoria

RIJSCHOOL BENNET **PA SOLAMENTE**
Afl. 350,-

566-5700